



436
2123/1

0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

deli 得力集团有限公司

基字02260122号 No.6230



百咏梅詩

樹園題









163274



Faint bleed-through text from the reverse side of the page, including characters like '廣', '鐵', '庵', '為', '梅', '詩', '已', '得', '于', '金', '去', '提', '陸', '仿', '人', '而', '作', '治', '第', '一', '字', '余', '代', '其', '目', '如', '之', '保', '美', '選', '新', '在', '一', '抄', '文', '槐', '春', '梓', '宜', '丁', '世', '所', '作', '數', '張', '字', '款', '孔', '底', '本', '之', '議', '松', '書', '本', '詳', '錄', '詩', '於', '遊', '之', '明', '印', '本', '於', '西', '京', '寶', '書', '不', '及', '其', '全', '本', '家', '不', '及', '其', '全', '本', '家

10334



此廣鉅庵乃梅詩已極奇矣查文槐
殆仿之而作沾滿一亭合作共自知
之深矣選數首以存一物

文槐春梓高名光于三世所作殿
張字敬孔原木主議極多才諒

詩殆遊之

明印奉中樞之寶貴不敢輕塗

袁志



序与篇首之各人名均抄存

跋亦抄

二尊守寸居诗查影志

此道梅降字串韵诗六言未合也

崑山梅一首用素蝶无蜂元

当作言刻原书为天辰时编而刻

正集在康熙时
未及又刻明刻

茄当作茄
赴同 昌胤当作昌胤 冒卷

三石同渭溪程熊家均影宋安

...八月十五日

增訂百咏梅詩小引

大凡詞人咏物在抒我胸懷狀物之情態而已。諸家咏梅每以一韻百首為尚。亦競奇裁。願一韻而叶之以百。即竭慮窮思。亦不能多牽合。有牽合則於人情物態。益淪。悠。滯。雖揮灑。亦。騷。亦。平。涉。贅。瀆。且。梅。之。種。寧。有。不。



三十一
一九三二年八月十五日

以私尋撰評問是忍著字面何可以之
命題又何用苦寸衷於世益地也余
產遺阨質學且不逮幸億熙明盛日
得依遊為覽六癖慕詞章每望洋興
感敬俶前筆意與暇採舊本題目付
以管見。既字內膠蹟名踪表著見陶
者。至緊之以梅。六增其目為百。藉膠

景以重後芳。六其精瓊芳。以章滕概稍。
似落筆有可傳神處。不敢謂摹寫能。
二第隨意向所之。不為醵限。浪成一。
家言。雖漸蟬。噤。啾。然。率。性。天。以。自。
鳴。勞。第。近。嚶。聲。或。亦。有。可。備。參。評。
游。心。目。者。因。錄。之。以。俟。正。於。大。方。家。
推。此。意。以。美。吾。其。辭。辭。又。在。大。可。寫。

為此清標璫璵囊中也

昔

天德六年仲春吉旦

原知各為下邳躬奉澹泊寧守拙

愚生何邦漸書於息遊軒

引終

咏梅目錄

古梅

老梅

枯梅

早梅

新梅

孤梅

遠梅

踈梅

矮梅

紅梅

白梅

落梅

綠萼

岩梅

映水

官梅

瓶梅

蠟梅

雪梅

江梅

嶺梅

野梅

路邊

橋邊

盆梅

上苑

太液

御河

驛亭

湖邊

溪邊

鹽梅

苦梅

秦岳

衡岳

華岳

恒岳

嵩岳

海濱

天台

月下

窓前

霧中

祖道

園梅

長梅

章臺

姑蘇

會稽 釣臺 函谷 折腰 半偏 曲江

驪山 竹邊 金谷 倒掛 兩半 獨幹

鴛鴦 瘦梅 烟梅 園亭 池亭 杏梅

宮梅 西臺 省署 柳梅武曲阜 孟廟

千葉 風梅 高唐 華清 武夷 僧舍

道院 龍岡 峴首 荆山 首陽 嶧山

書齋 琴臺 柳岡 出牆 村店 山家

田家 漁家 故宮 廢宅 邊關 旅館

燕樓 金山 普陀 商山 目錄終

增訂百咏梅詩

洱源七十九畊夫文槐何邦漸著

同邑八十五社叟寧宇寸居敬評



男何源長源受閱輯

侄何鳴鳳翔鳳校梓

古梅

自植靈根入世緣。悠悠人代幾更遷。常從乾始知
春蚤。每向葭灰得氣先。眼底樂遊皆後進。苑邊初
試想當年。嶠夷茂對經何許。尚帶晴空一抹烟。

老梅

飽飫嚴霜歲已多。向陽兀自有南柯。得稱壽卉逢
殘臘也吐餘芳。伴綠蔕未聽流鶯。雙喚侶幾聆寒
鵲一相過。蒼虬舊幹含瑛久。擬比莊椿不易磨。

枯梅

春意闌珊蓋瓣希。槎牙還爾露芳菲。蹉跎垢積株
生蠹。寥落淋浸蘚作衣。榆景尚存衰病骨。殘香亦
葆混元機。星零幾點同飄玉也。領條風為送歸。

早梅

濛濛氣裡抱先天同占春先此更先復後每教緝
獨綻班行難許競双姝江南首寄皇華使東閣前
登太守筵何處還知與無比吟壇創與酒分權

新梅

一布初陽入大荒郊原樹、捻回芳纔冲霜雪凝
瓊蕊乍露英華越綠楊玉貌若為更夙態粉顏疑
是換今粧騷人家艷鮮鮮美策蹇尋香度石梁

孤梅

不隨松竹住青山不向隋堤傍柳灣獨立蒼茫烟

樹外自其淒冷水雲間。渾無蛺蝶來依倚。那有遊
人去折攀。落寞同侪。分植必莫言。嶺表是鄉閩。

遠梅

撇却園林不近村。置身遼眇度朝昏。陰。雪裡。早
冰節。靄。雲中。見玉魂。逐客南征迷嶺岫。東皇遙
與付春溫。五陵豪貴應難到。日月光華自吐吞。

踈梅

不羨繁花生滿叢。亭。朗。度霜風。排條挂綠森
行列。間蘊分華著。化工。月到稍時都見本。荏來栖

處半餘空。櫺之莫道乘芳少。均有羅浮夢不同。

矮梅

寒條誰笑不參天。藉地扶疎品亦仙。五尺欄邊能
見白。一陽來後也增鮮。偃仰未齊張豕屋。橫斜並
附廣平箋。時人不用分長短。俯首冰華各歲年。

紅梅

本從白貴托清姿。又作臙粧點化機。解入晴烟增
赤影。轉鏤粉面醉春輝。非干艷質還霜節。為有丹
裹被絳衣。却羨上林風過處。長安先擬杏花飛。

白梅

太始貽芳碧玉聯。熒々皎々向瑤天。淡開惟許霜
添素。淨洗難教鶴占鮮。茸冷但知微遜雪。辭華不
去強爭妍。憑他卉侶多顏彩。那抵文明賁自然。

落梅

霜萼攢羅品格清。先春又早謝春榮。花時獨壓千
機錦。代後孤飄一片瓊。為辨和羹歸御鼎。緬秉淑
氣送菲英。翩々似是飛颺遠也。到江城弄笛聲。

綠萼梅

仙標元植自江湄。素態多曾柳眼窺。分得。一絲輕。
點玉。幻教五瓣別生。鬢壽陽。貼處知增彩。姑射粧。
來轉見竒。同作寒葩。偏受色。世。應有。蔽風幃。

岩梅

不在江干不在林。長從石壁自根深。凭高蚤得收。
元氣絕俗先能快素心。掛玉儘人翹首望。憐香有。
客對天吟。崇墉永信無板。採花。落花。開。任古今。

暎水梅

臨流謾挂縞衣裳。羸得鮮鱗即暗香。金蓓鎖寒違。

浴日。玉姿回暖。不朝陽。澄波有分開。秦鏡洗粉。無
心學。漢粧為厭。凡花爭艷。冶止。畱清興。托春江。

官梅

不栖澤畔。不林丘。常傍三公並。五侯粉署。有緣稱
鼎味。玉堂惟此。屬清流。凭欄翫處。瓊堆錦。呵凍吟
邊酒薦籌。窠是何。即耽愛。癖遠。從洛水。憶揚州。

飛梅

折枝注水。插當筵。避得微霜色。轉鮮竹葉。傾時先
覩面。龍涎燒處。小拖烟。香憑簾幕。輕風遍。詩倩英

鬢逸藻宣。宴罷狂來舒醉眼。還應咲比玉人看。

蠟梅

豈是生來厭素粧。却於鉛粉點輕黃。卉中西子重
更色。世外南威別吐芳。疑在金邊鎔玉質。似從霜
裡度蜂房。無由辨識清華面。喜有同含一段香。

雪梅

未作和羹先吐葉。却憐飛絮遍天涯。堆盈凍蕊頻
添粉。壓滿長條不見花。漢苑浪傳供客賦。海蓬何
處覓仙葩。灞橋洛浦都迷路。寰宇銀粧四望賒。

江梅

三湘七澤是瓊鄉。久得榮滋。艷孟陽。何物先能知。
瑄候。此芳端可號花王。磯邊漫對奔濤。雪水面時。
生錦纜。香泛贈隴頭人去後。一枝占斷楚天長。

嶺梅

萬仞岡頭落玉胎。生從此地是天栽。南枝向煖常
先放。吐幹需時亦次開。原自洪鈞貽粉態。任教清
品混蒿萊。浮雲出岫瓊株現。又見凌空雪滿堆。

野梅

不傍人家不近城。花根隨處凜孤清。風霜四顧送
飄墜。寒煖相承任變更。芻牧亦教充賞客。榮枯幾
度對蒼生。有時戴滿皇都雪。同啓豐年奏太平。

路邊梅

玉植參差擁道傍。蚤於行旅報青陽。萋萋未踏王
孫草。叠叠先攢庾嶺芳。看遍紅塵南北客。牽殘寒
宇利名韉。只緣勝有清芬味。曾倚藍閨受雪降。

橋邊梅

為資流水湛瓊英。常傍天津與富平。車馬撲塵蒙

故態風烟度客趨。前程匆々入眼難留味。悵悵憐
香枉繫情冠蓋。往來遊上國。幾人薦取去調羹。

盆梅

要登臺館抗塵容。小倩陶園尺土封。喜與蕙蘭聯
潔品。更偕松柏傲隆冬。花先首入移春檻。幹古都
盤擗。玉龍醉想綠衣清咏事。還送夢醒問師雄。

上苑梅

復初先已見冰魂。不待傳宣擊鼓催。萬壽山頭紛
玉屑。百芳叢裡露銀臺。開時香氣聞深禁。放後春

光遍九垓。壓倒群英。魁占捷憑誰。重訪巖林。

太液梅

御園開鑑自天河。幾樹披霜漾碧波。五月龍舟曾
見子。三冬蝶翅又盈柯。閒過中貴憐芳早。折釵長
楊被寵多。願祝靈蓂春萬載。年々先與報陽和。

御河梅

甘泉々水接瀛洲。偃暎琪芳照水流。漲膩看泛宮
掖出。鏤銀時帶禁烟浮。融々望闕成孤冷。寂々憐
香起暮愁。莫訝依瀾安素縞。長門容易白人頭。

驛亭梅

冷以陰風匝地吹。署垣璀璨出寒枝。不憎倦走長
安道。却喜追陪傲雪姿。適館有飡供逸賞。染毫隨
興賦新辭。逢花便可停征蓋。那復懷鄉憶別離。

湖邊梅

春報吳中第一山。蘇堤夾岸冷開顏。帶潮擁雪驚
千樹。對月依光燦九寰。未發萌時涵水鑑。早為容
處入仙班。林家舊址應猶在。誰倚茅軒傍竹看。

溪邊梅

山漫縈環水漫洄。沙頭羸取鬪霜開。若逢蛟客拖
雲護。却倩天孫剪玉裁。泚泚漁歌冲凍出。嚶嚶鳴
鳥逐香來。鷹揚人去孤芳冷。落。落。碯濱野鶴哀。

監梅

溼春歲。發名園。先李先桃妙不言。原自生來殊
品味。見開花處。搃璵璠。海鹹定是曾滋本。蔬淡難
教與共冷。天為商家貽鼎實。千秋終許待調元。

苦梅

垂條恍似玉山頽。道上江涯一任開。造化偏教分

品彙。其甜未與受元胎也。餘蓋片南陵發那得根
茨上苑栽。世味紛調誰慕此。止宜原憲范丹來。

秦岳梅

海風吹凍上層霄。巧為高枝布碎瑤也。伴秦松都
卻翠。雖陪漢栢不同標。陸離下視方輿小。芬皎全
超萬卉妖。疑是東封散瓊玖。連株空裡駕雲橋。

衡岳梅

淑氣天南轉泰來。潛陽先到祝融臺。甫看晨旭千
峰曉。便見琦芳滿樹開。瘦骨似泛金簡化。賁文擬

大玉書裁。雲開記取當年事。曾應昌黎鼎鼐才。

華岳梅

儼泛擘後鎮西維。附植凋榮恣時。萬古凝金調
玉燭。三峰應瑄發霜枝。遙瞻太白雙龍湫。俯瞰黃
流一練低。此境有香何處覓。希夷榻左。剽涼颼。

恒岳梅

山臨幽冀朔天寒。萬木先凋草不蕃。絕頂乍聞吹
候管。連雲亦自吐琅玕。敷春布得芳盈野。仰首回
看雪在巒。莫羨符占窺代近。而今一統帝圖寬。

嵩岳梅

不向中天計謝榮。寒葩似共甫申生。東西室畔饒
銀砌。三六峰頭是玉京。千古呈芳來鵲噪。五更扶
日聽雞鳴。和風蕩、仍飄片。飛輿藍輦化白珩。

海濱梅

望洋冷岸寄孤妍。長倚扶桑向日邊。葆得珉瑩誰
更染。慣經霜露不曾鶯。桑田未覩何時變。精衛常
馨此日鮮。為是夙招夷父隱。清芬流衍到今傳。

天台梅

仙娃竒遇幾經冬。誰挽清標駐玉容。隱々乍闌新
律琯。英々遍挂古蒼龍。落花隨水悲前事。瑤草連
溪憶舊蹤。便欲循香凌極頂。倒傾南服八千重。

月下梅

藹々冰容別樣嬌。銀蟾輝映若為招。飛瓊那分無
環珮。美玉堪憐失鳳簫。照徹叢華增暮景。萃成双
美醉良霄。殷勤為向東風囑。莫漫催殘化雪飄。

窓前梅

疊雪當簷應候開。疎檣々外擁春臺。素娥恍是卸

香到小玉真如傳粉來氣味入侵書案冷。情思轉
付竹聲哀。清歌妙咏逢仙子。遠舉旌陽化鶴杯。

霧中梅

霏陰乍護碧玲瓏。轉似洪濛未判中。潛影但知添
冷寂。聞香那復辨西東。非緣玉母遮仙界。豈是玄
羅閉玉宮。願倩和風輕一掃。全教睡裡夢魂通。

祖道梅

占得先芳倚路傍。慣舒冷眼看人忙。無心也襯班
荆白。屬意還添餞酒香。繾綣好吟三疊唱。此離去

戴五更霜。塵勞消歇。知何日。從此相牽一線長。

團梅

盤根疊架。逸圍均。厚借曦暉。倍有神。似是撐天張。
雪。蓋。還疑縮地轉。冰輪分條。擁起層。碧環堵。看
來面。春為語。龍眠休浪寫。叢華萃處。恐難真。

長梅

蚤最春。古說華陽。十丈芳枝。記漢唐。萬里橋邊寒。
觀錦。百花潭裡暗浮香。曾於杜甫。供吟興也。向文
君作素妝。恣為歌板。不得。瑤空飛舞。自霓裳。

章臺梅

繁華銷盡楚宮隳。猶起冰魂發舊枝。宋玉若存容
自美。媳媯如愧首低垂。難教雅調歸銀管。那復清
聲付雪兒。空見年殘新柳綠。傷心寒透不須吹。

姑蘇梅

寒山、外野芳開。記得夫差舊築臺。響屧荒基沉
粉黛。館娃遺土瘞香腮。何緣異代森瓊卉。擬是當
年碎玉釵。興廢無端難借問。青蒼不語暮鴻哀。

會稽梅

五千樓保霸圖微。留取寒枝帶落暉。銜壁記教存
勝國。捧心尚憶轉危機。似因嘗膽消冰態。也為懷
仇。桂雪衣。不是到今含冷。咲曾看。句踐破吳歸。

釣臺梅

懶隨紛艷向長安。歛素韜華七里灘。坐傲乾坤孤
幹雪。笑娛烟水一綸竿。羊裘被得三冬暖。炎鼎看
來六月寒。千載磔頭清望重。萬花凋盡不曾殘。

函谷梅

遠從太上植秦封。常帶霜瑛倚籜龍。一過青牛承

紫炁便登仙品卸塵容。白鴉養就裏涵暖。青女移
來性耐冬。為受元真堅更實。大經爐冶不銷鎔。

折腰梅

五斗曾誇不屈身。却殘元本半傷春。同沾化育輸
完氣。雖領芬華亦愴神。物態豈誠多缺陷。人情且
莫浪酸辛。年華到得陽生日。也與群芳共結隣。

半偏梅

一本生來又獨歌。豈緣趨向各隨宜。從根脫穎虛
三面。抱璞懷春摠四時。轉觀若傾沉醉貌。斜窺宛

曝艷陽姿莫嫌豉立耽淒冷也許梁園玉笛吹

曲江梅

遙憶貞觀拔士年幾憑芳兆報魁先瓊林錫宴思
前度杏苑留詩啓後緣守白勝招琪樹侶披香常
引玉華仙慈恩鴈塔經春古花領初陽又一天

驪山梅

秦宮唐苑轉頭空空有餘芳發故叢五出含元仍
化碧一髭流染未消紅梨園艷質誰花底羯鼓荒
臺是夢中莫向遺踪傷玉碎恐令妖魄動悲風

竹邊梅

破白瑩々伴綠衣。隆寒清友未全希。每憑霜後增
瓊集也。看風前作鳳飛。寂念王猷耽晚翠。轉疑湘
女唾明珠。連標契合忘婁楚。同倚西輪戴暮暉。

金谷梅

為趁繁華向洛陽。亭臺處々午橋莊。未臻淑氣開
桃李。先凜寒標戰雪霜。松檜由來聯作侶。牡丹誰
許擅稱王。李倫去後花如錦。幾似元芳耐得長。

倒掛梅

似歛嬌容抱忸怩。從生身後首常垂。轉收圍帶低
懷玉少沐春和自獻琪。懶去揚眉依化日。誰來俯
面識芳姿。可憐一豎天香味。惟有芊芊路草知。

兩半梅

同幹何因界二方。豈緣卉物亦參商。寒暄舊結三
良友。向背都被一太陽。悵說花開難共蒂。喜從風
度各生香。為君秉得坤維厚。雪盡霜年永並長。

獨幹梅

原崇一本未分枝。條蓋相依豈不疑。佳世那煩資

倚着傲霜惟許自支頤。眼前嬌人稱中立。身外茫茫洞四岐。莫道有生無蔽蔭也。先贏得見雍熙。

鴛鴦梅

造化生成若繫情。璘々一蒂兩菲英。似聯雙鶴衣尤潔。宛比文禽氣更清。繡閣驚時先報暖。孤山却月遠知名。一般寒卉爭殊品。便付詩仙也費評。

瘦梅

朔風凜烈更霜欺。為惜孤標強自持。挨過寒多心未泯。耐餘冬久力驚衰。都原落魄銷殘骨。那有腴

脂豔素儀。大造揔來無厚薄。韶華亦為起瘡痍。

烟梅

不戴陽光。不掛雲雨儀。不是氣網盪。似紗籠罩微。
存影歛幹。冥潛混未分。素貌抵今難。更識餘香嗅。
取拾還聞。浮空一帶何能偃。羊角飄殘又見君。

園亭梅

莫羨環垣卉品多。群芳那可並霜柯。登筵首伴青
雲客。倚翠先吟白雪歌。梁苑飄瓊殘照夕。石家剪
玉片時過。煨爐折賞須傾倒。寒暑相催一逝波。

池亭梅

小廈欄邊半畝開。寒枝亂擁雪成堆。祇緣素女攢
冰幹。却引東君見玉臺。覓賞儘教歸白社。尋芳豈
碍破蒼苔。溶溶倒映漂瓊影。羨是春從鏡裏來。

杏梅

自稟元楨淡々芳。誰令點綴被新妝。攀條養取非
同本。合幹培成轉異常。牽傍霞綃欣壯色。引依紅
日爛披光。寧知素面天然好。何必增嬌慕六郎。

宮梅

深院年光。慙是冬。粉容應懶對。冰容。昭陽未得分。
春色長樂。虛令度晚鍾。雪斷羊車。希幸杳香沉。鸞
鏡欲粧慵。誰言大內。龍顏近。花艷瑤天。隔幾重。

西臺梅

表。英姿雪作衣。挺然清節自嚴威。稜稜信可寒
三尺。凜凜真能抗六飛。簪筆玉階高隼盡。懷香豸
嶺路狼狽。避人不著霜蹄冷。白簡扶天佐萬幾。

省署梅

青鎖聯芳植御前。昂昂鵷列在堯天。能教直幹頻

臻勁。那與繁花並開妍。折檻剛勝寒亦烈。鳴陽心事白還堅。九重春色凝霜疏。玉宇興平付一肩。

柳梅

元與寒芬類不同。承春各自著天工。一經枯槁勤修煉。便得潛通易降衷。花未放時先定約。子當結後報成功。千秋古幹依金像。羸取名山重華嵩。

曲阜梅

溼々泗水先春開。肇自尼山植本來。抱得元真輝大素。儘餘完粹貫三才。九丘八索瓊生處。七十三

千玉鑄胎惟惜世希凋後節太和周宇半荒萊

孟廟梅

鄒南坊表記三遷馥々瓊株古廟前五鼎久憐隨
石化七篇欣觀並春妍齊宮雪冷空殘栢梁沼芳
凋只暮烟惟有大賢昭茂樹凜巖仁義揭中天

千葉梅

璘瑯萃美倍精神紫瓣增華韻態新
面卉宛然金屋玉肌人從來暫々無此染自是翻
々絕點塵須向賞吟高士道此花別有一般春

風梅

嚴冬已自恨無聊，豈奈冰條又朔颼。也信骨堅能
保息，步虞律轉散瓊瑤。要畱仙蓋還供賞，且祝封
姨莫浪飄。玄白艷彫今古事，不須漫解子雲嘲。

高唐梅

仙標何事出陽臺，雨暮雲朝怨未開。十二峰危霜
竅肅，百千年去玉都埋。香風不斷巫娥夢，羌管空
鳴楚客哀。莫為折枝勤注想，襄王元不是身來。

華清梅

一掬溫湯禁內池也。餘豔骨發霜枝。想憐賜浴梨
花貌。絕勝冲寒玉。盡姿水滑凝脂。成幻夢。卉蕃遺
址。又春熙乘芳。吊古休惆悵。荏苒榮凋。花不知。

武夷梅

昇真巖岫戴蓬蒿。先點春顏。作素標。似對幔亭排
玉女。宛從仙嶼架。虹橋天。雨壁立千尋。在海上。銀
翻萬疊潮。畫鶴何年雲際去。一峰寒倚。文王高。

僧舍梅

琦芳原自雪山來。來伴禪居。貝葉開空色。不迷真。

覺相成香常炷樓經臺有時金界飄銀片清夜蟾
光淨却灰偶耳霜枝風動處竅窓應訝鶴飛回

道院梅

玄根經煉耐嚴寒、倚清虛太乙壇似是瓊瓊擗
粉翅恍從羽化試霜翰七飛幻作雲鷲舞三素渾
當白兔看倩得純陽噓煦後青林都轉大還丹

龍岡梅

冰蕊猶存漢節操古枝今發並名高記從
冒雪步
三顧感起冲炎入不毛張念枋廬沉宛洛
擬馮

鈔靖孫曹。延津劍化春華改。九九升潛一桔槔。

峴首梅

古道苔封叔子碑。邊仍有舊寒枝。世非吳晉分
疆日。花是榮摧禪代時。霜魄夢殘三國事。水懷懶
咏七哀詩。鬼。尚自隆祠宇。冷落空垂墮淚思。

荆山梅

渦河環抱楚峰高。雲際何因見雪標。為是輝含和
璞久。轉令花發凍銀饒。當年完缺牽秦趙。此日榮
衰付鹿蕉。恰似靈祇難閱寶也。隨春煖放瓊飄。

首陽梅

雙壁潛時雪未晞。瑤枝相倚正菲菲。不將煖釜盛
周粟。止凜寒芳附蕨薇。到底孤臣慚北面。徒前養
老憶西歸。寥々千載都陳迹。惟有清魂在夕暉。

嶧山梅

曾倚孤桐趁艷陽。標聯梁祝兩瓊芳。熒々素蝶無
消粉。冷々元蜂未褪黃。春樹尚看垂玉珮。銀河那
更泛秋航。悠々原下雙鴛杏。儼覩連枝露雪光。

書齋梅

卷前叠々玉龍寒。秀潔偏宜凍眼看。欲仗瑛標輝
白面。還資清味抵金蘭。枯來演數占魁信。折取擎
杯傍醉顏。待得秋深符瑞兆。蟾宮准博桂花還。

琴臺梅

冷然風味自天真。傍得焦桐韻轉新。香氣入爐生
辟荔。霜顏倚案絕紛塵。浣溪聽奏相如調。星署看
回窈窕春。彈罷高山與流水。也畱三弄酹花神。

柳間梅

綠綠叢中著粉容。綠芽初見粉重々。非干春色迎

未必止為霜顏耐得冬。臘至看堆銀屑滿陽和爭
舞翠條穠。同時各自呈姿采。捻在陶鈞造育中。

出牆梅

半藉藏身半露梢。止從空處見餘條。晨興先得披
紅日。仰觀真如掛白袍。何事內生無下體。為言中
隔有圍腰。向陽枝幹都憐少。喜有伸頭數尺高。

村店梅

馬道羊腸處。人家茅簷冷寂亦瓊花。得乘春色先
含咲也。絆途人為駐車。邂逅萍踪情易淡。新豐籬

落酒堪賒。幾番忘却前驅路。對飲分香。到日斜。

山家梅

寄跡林臯別是天。冰花幾見帶霜鮮。松華作友忘
岑寂。蟾影流光壯麗娟。寒氣尚留千嶂雪。春容先
現九華巔。竹籬茅舍饒清賞。不讓崑崙瑤島仙。

田家梅

生計年年在隴頭。每從納稼度嚴飈。豈緣莘父遺
雙壁。滿放瓊芳似十洲。暮序有天仍發育。冰心無
減自春秋。老農慣襲新香氣。常向東郊看土牛。

漁家梅

舒展乾坤一釣絲。倚瀾任受朔風吹。吹回樹底萌
芽動。燴出枝頭玉瓣垂。湘水晨炊。楚竹渭濱歸。
載想飛羅瓊香枕。畔餘清夢。日上三竿起未遲。

故宮梅

蠹々盤々舊宇荒。荒丘仍有舊寒芳。回思妙舞嬌
歌處。曾嗅金爐玉蕊香。人代變遷。坤土在錦榮消
索。燕春長。秦阿漢寢花還幾。又付天風別主張。

廢宅梅

蒙々衰草蔓叢々。敝屣頽垣任日烘。舍主已隨柯
夢化。苑丘仍滿卉香通。應憐烏巷斜暉冷。轉惜汾
陽蕙帳空。剝澆崢嶸都一晌。寒花也解笑春風。

邊關梅

明妃玉面逐黃沙。青塚年多化主花。凍倚秦城瞻
漢月。寒侵羌管入胡茄。向來冰幹沉深雪。何處春
山暎舊家。回想當年冬去。魚鱗傷瓊片。落琵琶。

旅館梅

蕭々客邸盛寒威。况值長空雨雪霏。鴈沒江湖驚

信斷花含。琬琰報春歸。玉樓凍合。憐霜重。銀海光
搖。遍蝶飛。把酒問花。帶笑萍踪。還度幾芬菲。

燕樓梅

呢喃聲斷。画梁空。猶有殘香在。故蹤似見。嬌嬈依
粉。卉轉憐憔悴。作霜容。霓裳舞。虛雲雨。白雪誰
吟憶。建封想望。洛陽高塚上。幽芬悵隔。幾千重。

金山梅

波心出島地。無垠。上有薰華。絕世塵。皎々湛依群
檜。綠榮々光吐碧。英新千尋。嶽外開瑤宇。萬頃淘。

清見玉真更喜孤高香信遠江南江北早知春

普陀梅

海山環峙浩無涯雪幹當空冷歲華蜃氣影中仍
映碧東榆光裡爛披霞含來芬馥清姿麗散作融
和淑景賒自出魚籃傾玉片人寰金界滿天花

商山梅

採芝曾亦採寒瑛懶作和羹只菜羹出定前星堅
素節轉完四壁謝芳榮常依松鶴聯同侶每撫瑤
香抱獨清寒局久隨奕業燼興衰萬古一棋枰

寧字寸居敬評 命題並新寫題意並切翻
逸興煥發旁流艷點工粧當使字內花魁倍添
春色

咏梅終

雲南文物委員
會收購移交



















